

Чўпон ва бўри қиссаси

Абдулазиз ибн Абдуллоҳ ибн Боз

Абу Ҳурайра ривоят қилган ушбу
ажойиб қиссада ажойиб фоидалар

мавжуд.

<https://islamhouse.com/148>

- Чўпон ва бўри қиссаси
 - Хадисдан олинадиган фиқхий ҳукмлар
 - ва зарур сабоқлар
 - Нубувват аломатлари
 - Хиссий мўъжизалар

- Расулуллоҳ соллаллоҳу алайҳи ва саллам келажакда содир бўладиган
- Мангу мўъжиза
- Аллоҳ хузурида мақбул дин ёлғиз исломдир
- Бу нубувватдир!
- Пайғамбар соллаллоҳу алайҳи ва салламнинг баён этиш услублари

Чўпон ва бўри киссаси

عَنْ أَبِي هُرَيْرَةَ ‏ قَالَ جَاءَ ذِئْبٌ إِلَى رَاعِيِّ غَنِمٍ فَأَخَذَ مِنْهَا شَاةً فَطَلَبَهُ الرَّاعِيُّ حَتَّى اُنْتَرَ عَهَّا مِنْهُ قَالَ فَصَدَعَ الدِّينُ عَلَى ثَلَّ فَأَفْعَى وَاسْتَدْفَرَ قَقَالَ عَدَدُتَ إِلَى رَزْقِ رَزْقِنِيهِ اللَّهُ عَزَّ وَجَلَّ اُنْتَرَ عَنْهُ مِنِّي قَقَالَ الرَّجُلُ تَالَّهُ إِنْ رَأَيْتُ كَالْيَوْمِ ذِئْبًا يَكَلِّمُ قَالَ الدِّينُ أَعْجَبُ مِنْ هَذَا رَجُلًا فِي الْخَلَّاتِ بَيْنَ الْحَرَّتَيْنِ

يُخْرِجُكُمْ بِمَا مَضَى وَبِمَا هُوَ كَايْنٌ بَعْدَكُمْ وَكَانَ الرَّجُلُ يَهُودِيًّا فَجَاءَ الرَّجُلُ إِلَى النَّبِيِّ ﷺ فَأَسْلَمَ

وَحَبَّرَهُ فَصَدَّقَهُ النَّبِيُّ ﷺ ثُمَّ قَالَ النَّبِيُّ ﷺ إِنَّهَا أَمَارَةٌ مِنْ أَمَارَاتٍ بَيْنَ يَدَيِ السَّاعَةِ قَدْ أُوْشِكَ الرَّجُلُ أَنْ يُخْرُجَ فَلَا يَرْجِعُ حَتَّى تُحِدَّثَ نَعْلَاهُ وَسُوْطَهُ مَا أَحْدَثَ أَهْلُهُ بَعْدَهُ.

(رواه أحمد)

Абу Хурайра разияллоху анхудан ривоят қилинади:

«Бир бўри чўпоннинг олдига келдида, унинг қўйларидан бирини олиб қочди. Чўпон бўрининг орқасидан қувиб қўйини тортиб олди. Шунда жондор (**яъни бўри**) бир тепаликка чиқиб думини оёқлари орасига қисиб чўнқайиб ўтирди.

- Сен Аллоҳ таъоло менга берган ризқни қасд қилиб уни мендан

тортиб олдинг- деди бўри чўпонга қараб.

- Аллоҳга қасамки, мен бугунгидек бўрини гапирганини ҳеч эшитмаган эдим!- Ҳайратланди чўпон.

Бундан-да, ажаброқ нарса бор,- дея сўзлашда давом этди бўри

- Икки (вулқон ўчгандан кейин ҳосил бўлган) тошлок ер ўртасидаги хурмозорда бир одам сизларга бўлиб ўтган ва сизлардан кейин бўладиган ишлар ҳақида хабар бермоқда!

Халиги чўпон яҳудий эди. У Расулуллоҳ соллаллоҳу алайҳи ва саллам ҳузурларига келиб Исломни

қабул қилди ва бўри билан бўлган воқеъани сўзлаб берди. Пайғамбар соллаллоҳу алайҳи ва саллам уни тасдиқладилар.

- Бу Қиёмат олдидан бўладиган оят-аломатларнинг бири-дедилар Набий соллаллоҳу алайҳи ва саллам. Бирор (уийдан) чиқиб кетади. Қайтиб келганида, ундан сўнг аҳли-оиласининг нима билан машғул бўлганини ҳатто оёқ кийимлари ва қамчиси сўзлаб беришига бир баҳя қолади ...». (Имом Аҳмад ривояти)

Хадисдан олинадиган фиқҳий хукмлар

ва зарур сабоқлар

۱. Ғайри оддий нарсалардан таажжубга тушиш мумкин.
۲. Ўтган умматлар ҳақида хабар бермоқлиқ ҳам Мұхаммад соллаллоҳу алайҳи ва саллам пайғамбарликларининг аломатларидан саналади.
۳. Қиёмат кунига қадар рўй берадиган нарса-ҳодисалардан боҳабар бўлмоқ Мұхаммад соллаллоҳу алайҳи ва саллам пайғамбарликларининг яна бир белгиси.
۴. Одамларнинг илм-маърифатда, мавжуд ҳолатда ва расуллар ва рисолатга нисбатан тутган

ўринларида турли даражада туришларини тушунамиз.

- . Куръони Карим таълими ва пайғамбарлар тарихини ўрганиш ҳеч шубҳасиз иймон тарбияси учун энг муҳим омиллардандир.
- γ. Умуман тарихни яхши билмоқ ва ўтганлар ҳол-аҳволотига дикқат қилмоқ муҳим нуқталардан бири ҳисобланади.
- γ. Расулуллоҳ соллаллоҳу алайҳи ва саллам даъватларига ва ҳар бир хабарларига ишонмоқ, у зот келтирган ҳак-ҳидоятга тўла бўйсунмоқ ҳамда сахиҳ суннатларга амал қилмоқ бутун инсоният учун

шарт. Пайғамбар соллаллоҳу алайҳи ва саллам даъватлари етиб борса-да унга бўйин эгмаган кимсалар охир-оқибат мушрик ва кофирлар билан бирга жаҳаннамдан жой оладилар.

Λ. Демак, Қуръони Каримда мажоз бўлиши мумкин деган сўз нотўғри экан. Бир эътибор беринг-**а:** бўри гапирайпти, (**ёғоч**) устун инграяпти, тош ва дараҳтлар тилга кирайпти, сигир гапирайпти, туя шикоят қиласяпти.... .

«Мавжуд бўлган барча нарса ҳамд айтиш билан У Зотни поклар. Лекин сизлар уларнинг тасбех айтишларини англамассизлар». (**Исро: ۴۴**)

«Улар териларига «Нима учун бизга қарши гувоҳлик бердинглар?»-дейишганида (терилари): «Бизларни барча нарсани сўзлатган Аллоҳ сўзлатди. Сизларни дастлаб У яратган ва сизлар яна Унинг ўзигагина қайтариурсизлар», дедилар». (Фуссилат: ۱۱)

Хўш, жонсиз деворни хоҳлаш ҳуқуқидан нима ёки ким маҳрум этди? Унда ҳам ҳудди биз тушунган маънодаги хоҳиш ирода деган туйғу бўлиши мумкин-ку?! Жонсиз мавжудотларда нималар борлигини инсонлар билмайдилар. Улар моҳияти-ҳақиқатидан ёлғиз Аллоҳ таъологина хабардордир.

⁹. Ҳар бир инсон ўзига топширилган ишни сидқидилдан бажармоғи, зиммасидаги омонатни тўла-тўкис адо этмоғи лозим.

Расулуллоҳ соллаллоҳу алайҳи ва саллам дедилар: «Ҳар бирингиз раҳбарсиз ва ҳар бирингиз ўз қўл остидаги кишилардан масъул».

Нубувват аломатлари

Аллоҳ субҳанаҳу ва таъоло
Расулуллоҳ соллаллоҳу алайҳи ва салламни ҳидоят ҳамда ҳақ дин билан юборди. Пайғамбар алайҳис салом инсонларни зим-зиё зулматлар бағридан нурга олиб чиқиш учун келдилар.

«Эй пайғамбар, дарҳақиқат Биз сизни (Киёмат кунида барча уммат устида) гувоҳлик бергувчи, (мўминларга жаннат ҳакида) хушхабар этгувчи ва (кофирларни дўзах азобидан) огоҳлантирувчи ҳамда Аллоҳнинг изни-иродаси билан У Зотга (яъни Унинг динига) даъват қилгувчи ва (ҳақ йўлни кўрсатгувчи) нурли чироқ қилиб юборгандирмиз». (Аҳзоб: ۲۵, ۲۶)

Расулуллоҳ соллаллоҳу алайҳи ва саллам бутун инсониятга юборилдилар. Аллоҳ таъоло Ўз расули қўлига ғайриоддий мўъжизалар ато этди.

Мұхамад соллаллоҳу алайҳи ва салламнинг ҳақиқий пайғамбар эканликларини тасдиқловчи далиллар ва оят-аломатлар зохир этилди. Расулуллоҳ соллаллоҳу алайҳи ва саллам күрсатған мўъжизалар ҳақида олимлар катта-катта асарлар ёзишган. Биз эса, ушбу кичкина рисоламизда нубувват аломатларининг айрим намуналарини келтириб ўтиш билан кифояланамиз.

Ҳиссий мўъжизалар

1. Расулуллоҳ соллаллоҳу алайҳи ва саллам бармоқлари орасидан сувнинг отилиб чиқиши

Анас ибн Молик разияллоҳу анҳудан: «Пайғамбар соллаллоҳу алайҳи ва саллам Заврода эканликларида қўлларини (сув) идишга солдилар. Шунда Расулуллоҳ соллаллоҳу алайҳи ва саллам бармоқлари орасидан сув отилиб чиқа бошлади. (Шу сувдан) ҳамма таҳорат олди.

Қатода айтади: Мен Анас разияллоҳу анҳудан «Ўшанда сизлар неча киши эдингизлар?»- деб сўраганимда, у: «Уч юзта ёки уч юзтага яқинроқ»- деб жавоб берди». (Имом Бухорий ривояти)

၂. Расулуллоҳ соллаллоҳу алайҳи ва саллам Ҳудайбийя куни суви тортиб олинган қудуқقا туфладилар. Кейин мана шу қудуқдан бутун қавм сув ичди

Баро розияллоҳу анхудан:
«Ҳудайбийя кунида бир минг тўрт юз киши эдик. Ўша ердаги қудуқ сувини охирги томчисигача тортиб олдик. Расулуллоҳ соллаллоҳу алайҳи ва саллам қудуқ лабига ўтиридиларда (**бир оз**) сув сўрадилар. Пайғамбар алайҳис салом сув билан оғизларини чайдилар ва қудуқقا туфладилар. Орадан озгина фурсат ўтгач (**қудуқда**) сув пайдо бўлди. Сўнг ҳаммамиз тўйиб сув ичдик.

Хатто от-уловларимизни ҳам
суғориб олдик». (**Имом Бухорий**
ривояти)

﴿. Набий алайҳис салом ёмғир сўраб
дую қилишлари билан осмондан
челаклаб ёмғир қўйди...﴾

Анас ибн Молик розияллоҳу
анхудан: «Расулуллоҳ соллаллоҳу
алайҳи ва саллам замонларида
Мадина аҳли бошига қурғоқчилик
келди. Жума куни пайғамбар алайҳис
салом хутба қилаётган эдилар. **Шу**
аснода бир киши туриб шундай деди:

- Ё Расулуллоҳ соллаллоҳу алайҳи ва
саллам! Мол-ҳоллар қирилиб кетди.
Аллоҳга дую қилинг, ёмғир ёғдирсин.

Набий соллаллоҳу алайҳи ва саллам
қўлларини чўзиб дуо қилдилар.

Осмон шишадек (**тип-тиник**) эди.

Бирдан шамол туриб булут пайдо
бўлди. Сўнг булутлар бир жойга
тўпланди. Қаттиқ ёмғир куя
бошлади. Масжиддан чиқиб то
уйларимизга етгунча сув кечдик.

Ёмғир кейинги жумъагача тинмади.

**Ҳалиги киши ёки бошқа бирор
ўрнидан туриб деди:**

- Ё Расулуллоҳ соллаллоҳу алайҳи ва
саллам! Уйлар бузилиб кетди.
Аллоҳга дуо қилинг, ёмғирни
тўхтатсин.

Пайғамбар соллаллоҳу алайҳи ва саллам табассум этдилар - (Парвардигоро!) Бизнинг устимизга эмас, чор-атрофга (ёғдиргин)-дея дуо қилдилар.

Кўкка қарадим. Булутлар бамисоли тундек Мадина атрофида парчаланарди». (Имом Бухорий ривояти)

ξ. Ойнинг иккига бўлиниши

Анас ибн Молик розияллоҳу анхудан: «Макка аҳолиси Пайғамбар алайҳис-саломдан мўъжиза талаб қилганларида Расулуллоҳ соллаллоҳу алайҳи ва саллам уларга

ойнинг бўлинишини кўрсатдилар». (Имом Бухорий ривояти)

◦ Устуннинг инграши

Жобир ибн Абдуллоҳ розияллоҳу анҳудан: «Расулуллоҳ соллаллоҳу алайҳи ва саллам жумъа кунлари дарахт ёки бир хурмо танаси ёнида тураг эдилар. [Ансорийлардан кимдир Пайғамбар алайҳис саломдан:](#)

- Ё Расулуллоҳ! Сизга минбар қўйиб берайликми? - деб сўради.
- Хоҳишингиз. - дедилар Набий соллаллоҳу алайҳи ва саллам».

Саҳобалар пайғамбар соллаллоҳу алайҳи ва саллам учун минбар ўрнатдилар. Жумъа куни Расулуллоҳ соллаллоҳу алайҳи ва саллам минбар томон юрдилар. Шунда ҳалиги хурмо дарахти бамисоли боладек чирқирай бошлади. Набий соллаллоҳу алайҳи ва саллам минбардан тушиб кейин дарахт танасини қучоқларига олдилар. Хурмо ҳудди юпанаётган бола каби ҳиққиллашга тушди.

-У (**хар гал**) ёнида қилинадиган зикрни энди эшитолмаслигидан йиғларди. (**Имом Бухорий ривояти**)

Расулуллоҳ соллаллоҳу алайҳи ва саллам келажакда содир бўладиган

ғайбий ишлар тўғрисида хабар
берганлар

Хузайфа розияллоҳу анхудан:
«Расулуллоҳ соллаллоҳу алайҳи ва
саллам бизга хутба қилдилар. Мана
шу хутбаларида Қиёмат кунига қадар
рўй берадиган нарса-ҳодисаларнинг
биронтасини ҳам ташлаб
кетмадилар. Буни билган билди,
билмаган ғофил қолди. Расулуллоҳ
соллаллоҳу алайҳи ва саллам санаб
ўтган ана шу нарсаларнинг
биронтасини унутган бўлсам, ҳудди

биров анча пайт кўрмаган кишисини учратиб қолганда таниганидек, менинг ҳам кўргач ёдимга тушарди». (Имом Бухорий ривояти)

Куйида Расулуллоҳ соллаллоҳу алайҳи ва саллам хабарларини берган ғайбий ишларнинг баъзи бирларини келтириб ўтамиз.

1. Ҳукм-низомларнинг ўзгариши

«Хузайфа розияллоҳу анхудан:
Расулуллоҳ соллаллоҳу алайҳи ва саллам дедилар:

- Рисолат ораларингизда Аллоҳ ихтиёр этган муддатгача туради.
Сўнг агар У Зот хоҳласа, (рисолатни)

орангиздан кўтаради. Кейин рисолат йўлини тутган халифалик (**даври**) бошланади. Халифалик ҳам Аллоҳ хоҳлаганча туради. Сўнг Парвардигор хоҳласа уни (**орангиздан**) кўтаради. Сўнг бирбирига мерос тариқасида қолдириладиган подшоҳлик бўлади. У ҳам Аллоҳ таъоло қанча туришини хоҳлаган бўлса, шунча вақт туради. Кейин агар Аллоҳ хоҳласа, уни (**орангиздан**) кўтаради. Сўнг зулмкор ҳокимлик (**замони**) келади. Кейин Аллоҳ таъоло хоҳлаган пайтда бу подшоҳликни ҳам устингиздан кўтаради. Сўнг рисолат кўрсатмасига мувофиқ (**иш юритувчи**) халифалик

бўлади. Сўнг сукут қилдилар». (Имом Аҳмад ривояти)

۲. Пайғамбар соллаллоҳу алайҳи ва саллам Мусайлама Ал-кazzоб ва Асвад Ал-Ансийлар ҳақида олдиндан хабар берганлар

«Абу Ҳурайра розияллоҳу анҳудан: Расулуллоҳ соллаллоҳу алайҳи ва саллам дедилар:

- Ухлаётган эканман қўлимда иккита олтин билагузук кўрдим. Уларнинг ҳоли мени ташвишга солди. Шунда иккала билагузукка қаратা пуфлашим тўғрисида ваҳий қилинди. Пуфлаган эдим, ҳалиги билагузуклар учиб кетди. Мен уларни ўзимдан

кейин чиқадиган икки ёлғончи деб таъвил қилдим. Ушбу ёлғончиларнинг бири Асвад, иккинчиси эса Мусайлама бўлиб чиқди». (**Имом Бухорий ривояти**)

۴. Хаворижлар ҳамда динда ғулув кетувчиларнинг чиқиши ҳакидаги хабар

Али розияллоҳу анҳудан: «Мен Расулуллоҳ соллаллоҳу алайҳи ва салламнинг шундай деганларини эшитганман:

- Охир замонда ўзлари ёш орзу-хаёллари беъмани бир қавм чиқади. Улар энг яхши сўзларни гапиришади. Мана шу қавм диндан

худди камон ўқи ўлжани тешиб ўтиб кетгандек чиқиб кетадилар.

Уларнинг иймонлари бўғизларидан нарига ўтмайди. Бундай кимсаларни учратган жойларингизда ўлдирингиз! Киёмат кунида ўшаларни ўлдирган киши шу иши учун ажр олади».

(Имом Бухорий ривояти)

ξ. Одамлар дунёга берилиб кетадилар

Уқба ибн Амр розияллоҳу анҳудан: «Бир куни Расулуллоҳ соллаллоҳу алайҳи ва саллам чиқиб жаноза намозини ўқидилар. [Сўнг минбарга](#) кўтарилиб шундай дедилар:

- Мен орангиздан кетаман. Мен сизларнинг устингизда гувоҳман. Аллоҳга қасамки, ҳозир ҳавзимга қараб турибман. Менга ер очқичларининг ҳазинаси (бошқа бир ривоятда: ер ҳазиналарининг очқичлари) берилди. Аллоҳга қасамки, мендан кейин мушрик бўлиб кетишингиздан қўрқмайман. Бирок дунёга берилиш борасида ўзаро мусобақалашиб кетишингиздан хавфдаман». (Имом Бухорий ривояти)

◦ . Қариндошлиқ ришталарининг узилиши
Φ

аҳш, ва ёмон қўшничиликнинг
кенг ёйилиши

Абдуллоҳ ибн Амр розияллоҳу
анхудан: «Расулуллоҳ соллаллоҳу
алайҳи ва саллам дедилар:

- Аллоҳ таъоло фахшни хуш
кўрмайди. Ёки У Зот фахш ишларни
қилувчини ҳам, фахш-бемаъни
сўзларни гапирувчини ҳам
ёқтирамайди. То фахш-бемаъни
ишлар, фахш сўзлар, қон-
қариндошчиликнинг узилиши ва
ёмон қўшничилик тарқалмагунга
қадар Қиёмат қойим бўлмайди. (**Иш
шу даражага етади-ки,**) ҳатто
хиёнатчи омонатдор аталиб,

диёнатли киши хиёнаткорга
чиқарилади». (Имом Аҳмад ривояти)

၇. Шурта (миршаб, мелиса)лар ва
яrim-яланғоч, фожира аёлларнинг
кўпайиши

Абу Ҳурайра розияллоҳу анҳудан:
«Расулуллоҳ соллаллоҳу алайҳи ва
саллам дедилар:

- Дўзах аҳлидан бўлган икки нав бор.
Мен уларни кўрмайман. Бу икки
навнинг бири ёнларида сигирларнинг
думларидек қамчи бўлиб, ана шу
қамчилари билан одамларни
урадилар. Иккинчиси эса, кийинган-
у яланғоч (бу ҳол уларнинг
кийимларининг тор ёки ўта

юпқалигидан ё кийимлари калталиги сабаб баданларини тўсмаслигидан), (ўзгаларни) мойил қилувчи ва (ўзгаларга) майл билдирувчи аёллардир. Уларнинг бошлари қийшайган тужа ўркачи кабидир, улар жаннатга кирмайдилар, унинг ҳидини ҳам топмайдилар.

Ваҳоланки, жаннат ҳиди фалон-фалон масофадан билиниб туради».

✓. Мусулмонларнинг яхудийлар устидан зафар қучиши

Абдуллоҳ ибн Умар розияллоҳу анхумодан: «Мен Расулуллоҳ соллаллоҳу алайҳи ва салламнинг шундай деганларини эшитдим:

- Яхудийлар сизлар билан жанг қиласы. (**Бу жангда**) сизларнинг қўлингиз баланд қилиб қўйилади. Хатто тошлар «Эй мусулмон! Менинг орқамда яхудий турибди. Уни ўлдир!» деб гапиради». (Имом Бухорий ривояти)

Мангу мўъжиза

У Куръони Каримдир. Аллоҳ таъоло ўқиши-ёзишни билмайдиган, ўтган умматлар тарихидан мутлақо хабарсиз уммий (**яъни саводсиз, хат танимайдиган**) пайғамбарга Ўз каломини нозил этди. Бутун оламлар Парвардигори ушбу улуғ мўъжиза ила Расулуллоҳ соллаллоҳу алайҳи

ва салламни қувватлади. Фасоҳату балоғатда мумтоз саналмиш миллат Қуръоннинг мислини келтиришдан ожиз қолди. Улар Қуръон билан мусобақалаша олмадилар!

(Мусобақалаша олмасдилар ҳам!)

Қуръон ўзининг гўзал тартиботи, бетакрор услуби ва бағоят ажойиб баёни билан барчани лол қолдирди. Ҳолбуки, у бир дафъада эмас, йигирма уч йил давомида бўлиб-бўлиб нозил қилинганди. Аллоҳ таъоло каломида ўтган умматлар ҳакида ҳам хабарлар берилган.

Мушриклар эса мазкур хабарларни батафсил билиш нари турсин, ҳатто уларни чиройли баён этишдан-да

ожиз әдилар. Соғлом қалб ва мусаффо табиат әгаси бўлган ҳар бир киши Қуръон қиссаларини ўқиган заҳоти байни ўша воқеъаларни кўз билан кўргандек бўлади. Аллоҳ субҳанаҳу ва таъоло Қуръонни инкор этувчи, **Пайғамбарни ёлғончига чиқарувчи кишиларга қарата шундай деди:**

«Балки улар (**Мұхаммад Қуръонни**): «**Ўзи ичидан тўқиб олган**» дерлар?! - Йўқ, улар иймон келтирмаслар! У ҳолда агар ростгўй бўлсалар, ўзлари ҳам ўша (**Қуръон**)га ўхшаш бирор сўз-китоб келтирсинглар-чи?!». (**Ват-Тур:** ۳۳, ۳۴)

Ушбу чақириқ мана неча асрлардан буён ибليس қиёфали инсонларни мусобақага даъват этиб келмокда: агар ростгўй бўлсангизлар Куръоннинг мислини келтириб кўринглар-чи! Мушриклар Куръоннинг мислини келтиришдан батамом ожиз эдилар. Энди улар ўнта сура ўхшашини келтиришга чақирилди.

«Ёки «Уни (яъни Куръонни Мухаммад) тўқиб чиқарган», дейдиларми? Айтинг: «У ҳолда агар ростгўй бўлсангизлар, Аллоҳдан ўзга кучингиз етган барча бутларни (ёрдамга) чорлаб, шунга ўхшаш ўнтагина «тўқилган» сура

келтирингиз!». Бас, агар улар (**яъни сизлар сиғинадиган бутлар**) сизларга жавоб қилмасалар, у ҳолда билингизки, албатта (**бу Куръон Аллоҳнинг илми азалийси билан нозил қилингандир ва Ундан ўзга бирон илоҳ йўқдир!** Энди мусулмон бўларсизлар?!». (**Худ: ۱۳, ۱۴**)

Ожиз бандалар Куръоннинг ўн сурасига баробар назирини қаердан ҳам келтира олсинлар?! Энди Аллоҳ таъоло чорлов шартини яна-**да осонлаштириди**:

«Агар Биз бандамизга туширган нарсадан (**яъни Куръондан**) шак-шубҳада бўлсангиз, бу ҳолда шунга

ўхшаган биргина сура келтиринг ва
Аллоҳдан ўзга гувоҳларингизни
чақиринг-агар ростгўй бўлсангиз».
(Бақара: ۲۳)

Табиийки, осий кимсалар бир суранинг мислини ҳам келтира олмайдилар. Нихоят бандаларига Раҳмли ва Мехрибон бўлган Зот Куръоннинг ҳатто биргина сурасининг ҳам мислини келтириш ожиз қўллар имкониятидан ташқаридаги нарса эканлигини, модомики, шундай экан, улар ўз жонларини аламли дўзах азобидан кутқариб олиш ҳаракатига тушмоқликлари лозимлигини баён этди.

«Энди агар бундай қилолмасангиз,
— ҳаргиз қилолмайсиз ҳам, — у
холда, одамлар ва тошлар ёқилғи
бүладиган, кофирлар учун тайёрлаб
қўйилган дўзахдан қўрқинг!».
(Бақара: ۲۴)

Расулулоҳ соллаллоҳу алайҳи ва
салламга ана шундай мангум мўъжиза
берилганди.

«Ўтган ҳар бир пайғамбарга ҳудди
шунинг мислида оят-аломат
берилган. Менга берилган оят-
мўъжиза Аллоҳ таъоло тарафидан
юборилган ваҳй бўлди. Умид
қиласман-ки, Қиёмат кунида энг кўп

уммати бор пайғамбар ўзим
бўламан». (Имом Аҳмад ривояти)

Яхудий чўпон бўрининг гапирганини
кўриб таажжубга тушган ва айни шу
воқеа сабаб иймон келтирган эди.
Аслида, соғлом табиатли киши учун
борликда бундан-да ғаройиброк
таажжубланарли ҳақиқат мавжуд.
Эътибор қилинг, бирон устоз қўлида
таълим олмаган, мутлақо ҳат-саводи
бўлмаган оддий бир одам ўтган
умматлар, уларнинг қай тарзда
ҳалокатга юз тутгани ва ниҳоят
келажакда содир этиладиган воқеа-
ходисалар ҳақида хабар бера
бошласа?!

«(Эй Мұхаммад соллаллоҳу алайҳи
ва саллам), булар Биз сизга вахий
қилаётган ғайблардандир. Илгари
буларни на сиз ва на қавмингиз
билар эдингиз. Бас, (коғирлар
етказаётган озор-азиятларга...) сабр
қилинг, албатта, оқибат-натижа
Аллоҳдан тақво килувчи
кишиларницидир!». (Ҳуд: ۴۹)

«(Эй Мұхаммад соллаллоҳу алайҳи
ва саллам), ғайб хабарларидан
бўлган бу хабарни сизга Биз вахий
қилмоқдамиз. Ҳолбуки, сиз улардан
қайсилари Маръямга кафил
бўлишини билишлик учун
қаламларини (куръа қилиб)
ташлаганларида уларнинг олдида

эмасдингиз ва талашиб-
тортишганларида ҳам уларнинг
олдида эмасдингиз». (Оли Имрон:
﴿﴿)

«Биз (Мусога) нидо қилган пайтда
сиз Турнинг ёнида бўлган
эмасдингиз. Лекин, (сиз)
Парвардигорингиз томонидан раҳмат
бўлиб сиздан илгари бирон
огоҳлантирувчи келмаган бир
қавмни огоҳлантириш учун
(пайгамбар қилиндингиз). Шояд улар
эслатма-ибрат олсалар». (Қасас: ﴿﴾)

Бугун Ислом диёрида оммавий
ахборот воситаларининг барчаси
бемаъни-фаҳш фильмлар, даҳрий

қахрамонлар умуман динимиз заарига хизмат қиладиган турлитуман воситаларга нима учундир жуда қаттиқ эътибор бермоқда?! Албатта, бу ҳолат мўминнинг қалбига маҳзунлик ва озор-азиятдан ўзга «қувонч» бағишламаслиги аниқ. Нега улар Қуръон таълимоти, рисолат ҳидояти ҳамда салафи солиҳлар сийратига мурожаат қилмайдилар?!

«Одамлар орасида шундай кимсалар ҳам борки, улар билимсизлик билан (**ўзгаларни**) Аллоҳнинг йўлидан оздириш учун ва у (**йўлни**) масхара қилиш учун беҳуда сўз(**лар**)ни сотиб олур. Ана ўшалар учун хор қилгувчи

азоб бордир. Қачон унга Бизнинг оятларимиз тиловат қилинса, гүё уларни эшитмагандек, гүё кулоқларида оғирлик-карлик бордек кибру ҳаво билан юз үгириб кетур. Бас, унга аламли азоб ҳақида «хушхабар» беріб қўйинг».
(Луқмон: ۷,۷)

Куръон тарбиясини олган илоҳий китобда ҳикоя қилинган қиссаларни ўқиб-ўрганган ва улардан тегишли хулосалар чиқариб олган ўтган умматларни нима ҳалокатга, нима саодатга олиб борган, хуллас ҳар нарсадан ибрат-эслатма олиб аждодлар билан айни пайтдаги бузук кинофилмлар-у фисқу фужурга тўла

саҳифалар таъсирида улғайған
бугунги авлод ўртасида нақадар
кatta фарқ бор! Ана шундай «ширин
оғу» оғушидаги асл фарзандларини
асри саодатдаги солиҳ инсонлар
билин қиёслаб бўладими?!

Аллоҳ ҳузурида мақбул дин ёлғиз исломдир

Расулуллоҳ соллаллоҳу алайҳи ва
салламга иймон келтирмасдан туриб
ҳеч ким мўмин бўла олмайди. Чунки,
Муҳаммад соллаллоҳу алайҳи ва
саллам Набийлар хотами ва бутун
оламлар раҳматидир. Ҳатто, яҳудий
ҳамда насронийларнинг
пайғамбарларга бўлган иймонлари

Мұхаммад соллаллоҳу алайҳи ва
саллам рисолатларини тан
олмасларидан туриб сахиҳ-түғри
дейилмайды:

«Эсланг, Исо бинни Марям: «Эй
бани Исроил, албатта мен Аллохнинг
сизларга (юборган)
пайғамбари дирман. (Мен) ўзимдан
олдинги Тавротни тасдиқлагувчи ва
ўзимдан кейин келадиган Аҳмад
исмли бир пайғамбар ҳақида
хушхабар бергувчи бўлган холда
(юборилдим)», деган эди». (Соф: ۷)

«Кимда ким Исломдан ўзга дин
истаса, бас, (унинг «дини» Аллоҳ
хузурида) ҳаргиз қабул қилинмайди

ва у охиратда зиён
қилгувчилардандир». (Оли Имрон:
۹۰)

«Албатта, Аллоҳ наздида мақбул
бўладиган дин фақат Ислом
динидир. Аҳли китоблар (яхудий ва
насронийлар) уларга (ислом ва
Муҳаммаднинг ҳақ пайғамбарлиги
ҳақида) ҳужжат келганидан кейин
фақат ўзаро хасад-адоват қилганлари
сабаблигина талашиб-тортишдилар.
Ким Аллоҳнинг оятларини инкор
қилса, албатта Аллоҳ тез ҳисоб-
китоб қилгувчи зотдир!». (Оли
Имрон: ۱۹)

Абу Ҳурайра розияллоҳу анҳудан:
«Расулуллоҳ соллаллоҳу алайҳи ва
саллам дедилар:

- Мұхаммаднинг жони қўлида бўлган
зотга қасамки, мен ҳақимда эшитиб
сўнг рисолатимга иймон
келтирмасдан ҳаётдан ўтиб кетган
кимса у мана шу уммат (пайғамбар
соллаллоҳу алайҳи ва саллам
тилларида Уммат сўзи икки маънони
англатади: Уммати даъва ва уммати
ижоба. Биринчисига Ер юзидағи
барча инсонлар киради, иккинчисига
фақат мусулмонлар киради.
Хадисдаги умматдан биринчи маъно
ирода қилинган) кишиси бўлса, у
яхудийми, насронийми (бундан

қатый назар) дўзах асҳобларидан бўлади». (Имом Аҳмад ривояти)

Яхудий ва насронийлардан иборат аҳли китобларни Муҳаммад соллаллоҳу алайҳи ва саллам рисолатига эргашишга буюрувчи хужжатлар нафақат Қуръону ҳадисда, балки ўзларининг китобларида ҳам талайгина.

Ўзларини ҳақиқий мусулмон сановчи баъзи бир кимсаларнинг барча динлар ўртасини бирлаштириш, бир-бирига яқинлаштириш ҳаракатига тушганлигини қандай изоҳлаш мумкин?!

Ҳақ дин биттами ёки бир нечта??

Эҳтимол улар ўзларича Аллоҳ китоби ва Расулуллоҳ соллаллоҳу алайҳи ва саллам суннатларига тузатиш киритмоқчиidlар?!

Ёхуд бу алаҳсирашга ўхшаган бир нарсами?!

«Аҳли китобдан бир тоифаси сизларни ([динингиздан](#)) адаштиromoқни хоҳлайди. Лекин, улар ўзлари сезмаган ҳолларида фақат ўзларинигина адаштирадилар, холос». ([Оли Имрон: ۷۹](#))

Бу нубувватдир!

Расулуллоҳ соллаллоҳу алайҳи ва саллам Абу Сүфённи амакилари

Аббос билан бирга водий этагига турғизиб қўйдилар-да, ислом лашкарини саф-саф қилиб улар олдидан ўтказдилар. Ҳар бир қабила алоҳида саф бўлиб ўтарди. Абу Суфён ёнидан ўтаётган сафлар ҳақида Аббос розияллоҳу анхудан сўраб турди. Пайғамбар соллаллоҳу алайҳи ва салламнинг амакилари унга қабилаларни ном баном айтарди. Нихоят, Расулуллоҳ соллаллоҳу алайҳи ва саллам мухожир ва ансорлардан иборат ўзларининг сара асҳоблари билан кириб келдилар.

- Субҳаналлоҳ! - дея ажабланди Абу Суфён - Эй Аббос! Булар кимлар?

- Бу пайғамбар алайҳис-салом бўладилар. У зот муҳожир ва ансорлар билан бирга ўтаяптилар.
- Ҳеч ким буларга бас кела олмайди. Эй Абу Фазл (**абу Фазл Аббос розияллоҳу анҳунинг куняси**), Аллоҳга қасамки, дарҳақиқат, биродаринг ўғлиниңг мулки (**салтанати**) қудратли бўлибди.
- Эй Абу Суфён!- деди унга Аббос розияллоҳу анҳу - Бу нубувватдир!
- Ҳа! - дея Аббосни тасдиқлади Абу Суфён.

Пайғамбар соллаллоҳу алайҳи ва салламниң баён этиш услублари

Расулуллоҳ соллаллоҳу алайҳи ва салламнинг фитратига мувофиқ келувчи покиза ва улуғвор ислом дини билан юборилдилар. Аллоҳ таъоло томонидан берилган фитрат яъни табиат ҳеч қачон ўзгармайди.

Пайғамбар соллаллоҳу алайҳи ва саллам асҳобларига меҳрибон, кечиримли ва гўзал ахлоқ эгаси бўлганлар. Ҳеч кимга жабр-зулм қилмаганлар. Зеро, кечиримлилик ва меҳр-шафқат каби гўзал хулқлар соғлом ақл ҳамда тоза табиат тақозосидир.

«(Эй Муҳаммад соллаллоҳу алайҳи ва саллам), Аллоҳ томонидан бўлган

бир марҳамат сабабли уларга
(саҳобаларингизга) юмшоқ сўзли
бўлдингиз. Агар қўпол, қаттиқ дилли
бўлганингизда эди, албатта
атрофингиздан тарқалиб кетган
бўлар эдилар. Бас, уларни афв этинг,
улар учун Аллоҳдан мағфират сўранг
ва ишларингизда уларга маслаҳат
солинг. Энди **(маслаҳат қилгач,**
бирон ишни) қасд қилсангиз,
Аллоҳга суюнинг-таваккул қилинг.
Албатта, Аллоҳ ўзига суюниб **(иш**
қилгувчиларни) севади». **(Оли**
Имрон: ۱۰۹)

Расулуллоҳ соллаллоҳу алайҳи ва
саллам кимгадир бирон нарсани
тушунтиromoқчи бўлсалар, бақириб-

чақирмасдан, құрқув-қаҳр исканжасига солмасдан соғлом ақлга мувофиқ келадиган тарзда аниқ баён ва хұжжатлар ёрдамида хитоб қилар әдилар. Сүзимиз қуруқ бўлмаслиги учун қуйидаги бир нечта мисолларни эътиборингизга ҳавола этамиз.

1. Абу Ҳурайра розияллоҳу анҳудан:
«Бани Фазоралик бир киши
Расулуллоҳ соллаллоҳу алайҳи ва
саллам ҳузурларига келиб:

- Ё Расулуллоҳ! Хотиним қоп-қора
бала туғди! - деди. У боланинг
ўзидан бўлганлигига шубҳа билан
қараётганини билдираётган эди.

- Тұяңг борми? - сұрадилар
Пайғамбар соллаллоҳу алайҳи ва
саллам.
- Бор!
- Ранги қанақа?!
- Қизил.
- Үнда ҳол-ҳол нұқталар ҳам борми?
- Ҳа, бор!
- Ўша нұқтачалар қаердан келган деб
ўйлайсан?
- Эхтимол, қондан ўтгандир! (**Яъни**
аждодларида шу сифат бўлгандир...).

- Болангнинг қоралиги ҳам, эҳтимол, қондан ўтгандир!». (**Имом Аҳмад ривояти**)

¶. **Абу Умома розияллоҳу анҳудан:**
«Бир ёш йигит Набий соллаллоҳу алайҳи ва саллам ҳузурларига келиб деди:

- Ё Расулуллоҳ! Менга зино қилишга рухсат беринг!

Атрофдагилар бу гапни эшитиб ҳалиги йигитни урушишга тушиб кетишиди.

Пайғамбар соллаллоҳу алайҳи ва саллам унга яқинроқ келишни буюрдилар. Йигит Набий соллаллоҳу

алайҳи ва саллам ёнларига келиб ўтирди.

- Сен онангга нисбатан шу ишни қилинишини яхши кўрасанми?- деб сўрадилар Расулуллоҳ соллаллоҳу алайҳи ва саллам.
- Аллоҳ фидойингиз этсин, йўқ, асло!- жавоб берди йигит.
- Бошқалар ҳам ўз оналарига буни раво кўрмайдилар! Қизингга нисбатан шу ишнинг қилинишини хоҳлармидинг?
- Аллоҳ фидойингиз этсин, йўқ, асло!
- Бошқалар ҳам буни ўз қизларига раво кўрмайдилар. Синглингга

нисбатан шу ишнинг қилинишини
хоҳлар-мидинг?

- Аллоҳ фидойингиз қилсин ё
Расулуллоҳ! Асло хоҳламасдим.
- Бошқалар ҳам ўз опа-сингилларига
раво кўрмайдилар.

Аммангга нисбатан шу ишнинг
қилинишини хоҳлайсанми?

- Аллоҳ фидойингиз қилсин ё
Расулуллоҳ! Асло хоҳламайман.
- Бошқалар ҳам ўз аммаларига раво
кўрмайдилар.

Холангга нисбатан шу ишнинг
қилинишини хоҳлар-мидинг?

- Аллоҳ фидойингиз қилсин ё
Расулуллоҳ! Асло хоҳламасдим.
- Бошқалар ҳам ўз холаларига раво
кўрмайдилар.

Сўнг Расулуллоҳ соллаллоҳу алайҳи
ва саллам қўлларини йигитнинг
устига қўйиб унга дуо қилдилар:

- Парвардигоро, унинг гуноҳини
кечир, қалбини мусафро эт, уни
зинодан ўзинг сақла!

Шундан кейин ҳалиги йигит ҳеч
нарсага қайрилиб қарамайдиган
бўлди». (**Имом Аҳмад ривояти**)

ؑ. Макка фатҳи арафасида Аббос
розияллоҳу анҳу Абу Суфёнга

омонлик бериб Расулуллоҳ соллаллоҳу алайҳи ва саллам хузурларига бошлаб келади. Пайғамбаримиз билан бўлган сухбатда Қурайш оқсоқоли бир неча бор Набий соллаллоҳу алайҳи ва салламнинг ҳалим (**яъни юмшоқ феъл**) ва карим инсон эканликларини лафзан эътироф этади.

Муҳаммад соллаллоҳу алайҳи ва саллам ҳалим, раҳмдил ҳамда ҳаким зот бўлганликларига беҳисоб далиллар келтириш мумкин.

Қани эди, бугунги «Тараққиёт ҳомийлари» ҳеч бўлмаса Абу Суфён даражасига чиқсалар. — Эслатиб

ўтамиз, ўшанда ҳали Абу Суфён исломни қабул қилгани йўқ эди. — Ўзлари билан ҳам, халққа нисбатан ҳам ростгўй мақомида турсалар! Ахир бутун нажот-саодат ростгўйликда эмасми?!

Сиз Абу Суфёнинг исломни қабул қилмаган ҳолатида айтган сўзларига бир эътибор беринг:

- Агар Аллоҳдан ўзга яна биронта илоҳ бўлганида, ҳозиргача бизни бирор нарса (**ташвиши**)дан халос этган бўларди!

Ғайридин шоҳ Ҳиракл Пайғамбар соллаллоҳу алайҳи ва саллам

ҳақларида сўраб-суриштирганидан
сўнг нима деганини биласизми?!

«Агар ҳозир айтганларинг рост
бўлса, у (**яъни Муҳаммад соллаллоҳу
алайҳи ва саллам**) икки оёғим турган
мана шу ерни ҳам қўлга киритади!»

Миллатчилик, демократия каби
турли оқим ва ҳаракатлар
«фидоийлари» бир нарсани
унутмасинлар! Агар ҳаётда ислом
шариатидан ўзга инсонлар учун
фойдали асос-йўл мавжуд бўлганида,
сизлар миллатчилик ғояларини олға
сураётган пайтда бирон ёрдами
теккан бўларди. Бироқ, ўзларингиз
ҳам яхши биладиган ва айни пайтда

күзларингизни чирт юмиб инкор
қиладиган ҳаётий ҳақиқат шуки,
ислом диёрларида исломий
шариатдан ўзга биронта «қонун
мажмуаси» узок умр кўрмайди.

Ёлғиз Исломгина инсонларни нурли-
хайрли йўлга бошлайди. Ислом, бу
одамларни даҳшат ичида ушлаб
туриш ёҳуд экстремизм дегани эмас.
Умуман, ислом даъватчилари ҳеч
қачон бундай ғайри исломий
маъноларни кўтариб юрганлар.
Наҳот, Аллоҳ таъоло китобини
маҳкам ушлаш, Расулуллоҳ
соллаллоҳу алайҳи ва саллам
суннатларига амал қилиш
экстремизм деб аталса?! Ислом бу ўз

номи ўзи билан тинчлик,
осойишталик динидир.

Сиз Аллоҳ томон бир қарич
юрсангиз, Парвардигорингиз сиз
томон бир қадам юради. Агар сиз
Аллоҳ таъоло томон юра
бошласангиз, У Зот сиз томон
югуради.

Аллоҳ таъолога чин дилдан тавба-
тазарру қилайлик! Зеро У тавбаларни
қабул этувчи, **раҳмли ва меҳрибон**
Зотдир! Аллоҳ таъоло тавсифлаган
куйидаги кимсаларга ўхшаб
қолмайлик:

«Агар биз уларга осмондан бир
дарвоза очиб қўйсаг-у, ундан

(осмонга) кўтарила бошласалар ҳам, албатта улар: «Шак-шубҳасиз, бизларнинг кўзларимиз боғланиб қолди, балки бизлар сеҳрланиб қолган кишилардирмиз», деган бўлур эдилар». (Хижр: ۱۴, ۱۵)

Муҳтоҷ-мискиннинг илтижоларини Аллоҳдан ўзга яна ким эшитади?!

«(Эй Муҳаммад соллаллоҳу алайҳи ва саллам, мушрикларга) айтинг:
«Агар дуо-илтижо қилмас экансизлар, Парвардигорим сизга парво қилмас. Бас, сизлар (У Зот юборган пайғамбарни) ёлғончи қилдингиз. Энди албатта (азоб-

уқубат) сизларга лозим бўлур». (Фурқон: ۷۷)

«Иймон келтирмайдиган кимсаларга айтинг: «Ўзларингиз билган амалларингизни қилаверингиз, биз ҳам ўз амалимизни қилувчимиз. Ҳамда (қилаётган ишларингиз оқибатини) кутаверингиз, биз ҳам кутувчилармиз». (Ҳуд: ۱۲۲)

Бутун оламлар Парвардигори -
Аллоҳга ҳамдлар бўлсин!